

Yeremiya 1:18/19 Edhingngagi! Ba'na bakal elabana bi' pandhudhu'na nagara reya, iya reya to-rato Yehuda, para pangrajana pamarenta, para imam ban ra'yat. Tape are teya bi' Sengko' ba'na eberri'ana kakowadan kaangguy alaban reng-oreng jareya. Ba'na bakal daddiya akantha kottha se ngangguy binteng, padha ban cangga besse sarta geddhung dimbaga. Reng-oreng jareya ta' kera bisa makala ba'na, sabab Sengko' abarengngana ban alindhungana ba'na. Sengko', PANGERAN, la ngoca'."

Hizkiyel - Yehezkiel 3:18 Mon Sengko' abala ja' oreng se jahat bakal mateya, tape ba'na ta' maenga' oreng jareya sopaja ngoba tengkana me' olle salamet, oreng jareya bakal mateya menangka oreng se dusa, ban tanggung jawab parkara matena oreng jareya bakal egugada ka ba'na.

Yakobus 5:19,20 Tan-taretan! Manabi e antarana sampeyan badha se ta' atoro' pole ka pangajaran se dhari Jehovah, pas badha oreng laen se mabali oreng ganeka ka Jehovah, 20 kaemodi ayat paneka: Pa'-sapa'a mabali oreng se dusa dhari jalanna se sala ka jalan se bendher, oreng jareya masalamet sokmana oreng se dusa jareya dhari pate ban daddi sababba bannya' dusa laenna esapora. Salam sengko', Yakobus.

Yeremiya 6:27 PANGERAN pas adhabu ka Yeremiya, "Kassa' oji Tang ommat, papadha ban mon ba'na ngoji barang gagaliyan. Talektegi babategga kabbi!

Imamat - Lewi 26:19 Ba'na talebat angga'na, tape bi' Sengko' ba'na econglettagiya. Ta' kera badha ojan, sampe' tanana ba'na bakal kerrenga ban daddi gali akantha besse.

Olangan 23:5 Tape GUSTE Jehovahna ba'na ta' kasokan meyarsa'agi Bileyam jareya. Sabaligga, babaston jareya bi' PANGERAN eoba epadaddi berkat, sabab PANGERAN taresna ka ba'na.

Roma 12:21 Ja' kantos sampeyan epakala sareng se jahat, tape sampeyan kodu makala kajahadan sareng kabecce'an.

Jabur 143:8,10 Sabban gi' laggu paemottagi ka abdidalem kataresna'annepon Junandalem, sabab Junandalem pangarebban abdidalem. Duduwagi jalan se kodu elebadi abdidalem, sabab namong ka Junandalem abdidalem adu'a. 10 Ajari abdidalem ngalakone kasokannepon Junandalem, sabab Junandalem Jehovah abdidalem. Junandalem sae, sareng badhi nonton abdidalem e jalan se rata.

Yahya 14:26 Tape Errohna Jehovah, Se Panolong se bakal eotosa Rama kalaban Tang nyama, jareya se ngajarana ba'na parkara apa'a bai ban maenga' ka ba'na pa-apa se la ekabala bi' Sengko' ka ba'na.

Jabur 94:12 Pojur onggu oreng se eajar Junandalem, GUSTE, oreng se ejari kom-hokommepon Junandalem.

Yahya 16:13 Tape mon Erroh jareya la rabu, iya areya Erroh se anyata'agi

barang se bendher parkara Jehovah, ba'na bakal etontona sopaja ba'na tao ka sakabbiyanna barang se bendher. Erroh jareya ta' adhabuwa dhari Salerana dibi' tape adhabuwagiya pa-apa se la epeyarsa Salerana, sarta bakal aparenga oneng ka ba'na apa se kadaddiyana e budhi are.

Parompama'an - Bangsalan 27:12 **Oreng bicaksana nyengla mon badha babaja, oreng budhu nyander sampe' calaka'.**

1 Korintus 10:13 Saneyap coba se ealame sampeyan ganeka coba se kappra ealame manossa. Namong Jehovah esto ka janjina. Salerana ta' kera nyoba' sampeyan ngalebbi'i kakowadanna. E bakto sampeyan ecoba, Salerana tanto marenge sampeyan jalan sopaja sampeyan kowat ban ta' kantos kala.

Filipi 2:15/16 Kalaban sapaneka sampeyan noduwagi ja' sampeyan paneka trapottrana Jehovah se tadha' calena, se odhi' kalaban ate berse sarta lerres e nga'-tengnga'anna oreng jahat sareng dusa. Ban e bakto sampeyan manapa' ka reng-oreng ganeka berta se madhateng odhi', monggu ka reng-oreng ganeka sampeyan kodu daddi akadi caja se nyonar nera'e dunnya. Mon sampeyan odhi' sapaneka, kaula pas gadhuwan alasan kaangguy arassa gumbira polana sampeyan e bakto Isa Almasih rabu pole. Ganeka buktena ja' kaula ta' parcoma aperrang ban ehteyar kaula badha hasella.

Yesaya 49:4 Tape sengko' mator, "Abdidalem lesso tadha' ollena; abdidalem alako ngettokkagi kakowadan, namong parcoma!" Tape sengko' yakin PANGERAN abillai tang ha', Jehovah males sengko' menorot tang lalakon e dunnya.

Galatia 4:11 Kaula kobater sadajana ehteyar sareng lalakon kaula se etojjuwagi ka sampeyan me'-ame' tadha' ollena ponapa.

Jabur 76:3(4) E jadhiya pakakas perrangnga moso, pana, tameng ban pedhang padha epaancor.

Ibrani 13:21 Moga-moga Jehovah somberra sejahtera ganeka agenna'e sampeyan sareng sadaja se sae se ekaparlo sampeyan kaangguy ajalannagi kasokanna. Moga-moga kalaban parantara'anna Isa Almasih, Jehovah alampa'agi e dhalem sampeyan sareng kaula sadaja ponapa se daddi kasokanna. Tore molja'agi Almasih salanjangnga! Amin!

1 Korintus 16:15 Tantona sampeyan oneng ka Stefanus sareng kalowargana; kalowarga ganeka se dha'-adha' daddi Kristen e Akhaya. Kalowarga ganeka kantos ka dhalem atena alako malolo kaangguy aladine ommadda Jehovah.

Filipi 1:27 Samangken, se parlo enggi paneka sopaja sampeyan odhi' menorot se epenta sareng Kabar Bagus parkara Almasih ka'issa'. Kalaban sapaneka, ponapa kaula tapanggi sareng sampeyan otaba bunten, kaula bakal merengnga ja' sampeyan koko rokon sarta areng-bareng aperrang kalaban settong maksod sareng settong pangaterro, enggi paneka kaangguy kaparcaja'an se menorot Kabar Bagus dhari Jehovah.

1 Korintus 15:58 Daddi, tan-taretan se kakase! Sampeyan kodu kowat sareng koko. Ngereng terros alako pagu-onggu kaagem Pangeran, sabab sampeyan ampon oneng ja' sadaja se elampa'agi sampeyan kaagem Pangeran paneka tadha' se parcoma.

Kolose 4:12 Salam dhari Epafras. Settong oreng laenna pole dhari kalanganna sampeyan jugan, se daddi abdina Almasih jugan. Taretan paneka rosterrasan hoso' adu'a nyo'onnagi sampeyan; nyo'on epagu-onggu ka Jehovah sopaja kayakinanna sampeyan epakoko ban sopaja sampeyan daddiya dibasa ongg, sopaja sampeyan samporna atoro' ka dhabuna Jehovah.

2 Ratona - 2 To-Rato 19:34 Bit kahormadanna Sengko' dibi' sarta Tang parjanjiyan ban Daud Tang abdi, Sengko' abilla'ana ban alindhungana Yerusalim.' "

Yeremiya 15:20,21 Bi' Sengko' ba'na epadaddiya binteng paronggu kaangguy nahan reng-oreng jareya. Reng-oreng jareya bakal merrangana ba'na, tape ta' kera bisa makala ba'na. Sengko' abarengngana ba'na kaangguy ngaobi ban masalamet ba'na. 21 Sengko' malopoda ba'na dhari kakobasa'anna reng-oreng jahat se kejjem. Sengko', PANGERAN, la ngoca'."

Roma 8:31 Samangken ponapa se bisa ekoca'agi parkara paneka sadaja? Manabi Jehovah nolonge sampeyan sareng kaula sadaja, pasera se bisa alaban sampeyan sareng kaula sadaja?

Matiyus 6:13 Ja' maso'agi abdidalem ka dhalem gudha'an, namong palopoddagi abdidalem dhari se jahat. [Junandalem rato se molja sareng se kobasa salanjangnga. Amin.]'

Jabur 55:18(19) Sengko' epasalamet dhari serranganna moso, se padha dhateng anyo-ronyo.

1 Yahya 4:4 E dhalem parjalanan jareya Isa kodu lebat e Samaria.

Hizkiyel - Yehezkiel 30:24 Saellana jareya Sengko' makowada lengngenna Rato Babil; tanangnga epaneggu'a Tang peddhang. Tape lengngenna rato Messer bi' Sengko' epotella sampe' rato jareya ngadhudhu ban mate e adha'na rato Babil, mosona.

Lukas 1:51 Kalaban astana se kowat kobasa reng-oreng se angga' epasalebbudan, epasalbut sakabbiyanna sajiana.

Wahyu 3:18 Daddi bi' Sengko' ba'na ebala'ana, mara melle emmas ka Sengko', iya areya emmas se morne, me' olle ba'na sogi. Melle keya kalambi pote ka Sengko', me' olle ba'na akalambi ban notobi badanna se abangkang ban matodhusan. Ban melle keya tamba buliddagi ka matana me' olle ba'na nangale'e.

1 Yahya 3:17 Mon oreng se odhi'na cokop nengale taretanna kakorangan nangeng ta' poron nolong taretanna ganeka, kadi ponapa oreng ganeka se bisa'a ngoca' taresna ka Jehovah?

Yesaya 50:4 GUSTE Jehovah Se Mahatenggi ngajari sengko' acaca, sopaja tang caca makowat oreng se lesso. Sabban gi' laggu tang ate epaterro

ngedhingngagiya pangajaranna ka sengko'.

Lukas 21:15 Sengko' dibi' se mala'ana ba'na ca'-oca' ban kabicaksana'an, sampe' tadha' settonga mosona ba'na se bisa'a alaban otaba nyala'agi papa se ekoca'agi ba'na.

Efesus 6:10-12 Dhi-budhina, kaula maemoda sampeyan sopaja sampeyan daddi kowat kalaban kakowadan se etarema sampeyan dhari Pangeran, polana sampeyan daddi settong sareng Salerana. 11 Agem sadajana pakakas perrang se eparengngagi Jehovah ka sampeyan, sopaja sampeyan bisa kowat ngadhebbi akkalla Iblis se juba'. 12 Sabab sampeyan sareng kaula sadaja aperrang ta' amoso manossa, nangeng amoso kakowadanna sadaja tan-setan se ngobasae se jahat paneka. Sampeyan sareng kaula sadaja amoso kakowadanna roh-erroh jahat se ngobasae langnge'.

Jabur 18:39(40) Junandalem marenge abdidalem kakowadan kaangguy aperrang, sareng kamennangan ka so-moso sadajana.

1 Korintus 15:25 Almasih kodu terros marenta kantos sadajana mosona Almasih sareng Jehovah epatellok ka Almasih.

2 Samuwel 22:40 Abdidalem eparenge kakowadan kaangguy aperrang, e bakto ngadhebbi moso eparenge kamennangan.

Kolose 1:11 Moga kalaban kobasana Jehovah se agung, sampeyan eparengngana kowat sampe' sanggup nanggung ponapa'a saos kalaban ate sabbar sareng senneng,

Jabur 89:43(44) Sanjatana sareng Junandalem epatadha' gunana, e dhalem paperrangan ta' eparenge partolongan.

Efesus 6:13,14 Daddi, samangken tore agem sadajana pakakas perrangga Jehovah, sopaja e are se jahat sampeyan sanggup ngadhebbi sadajana serranganna moso. Ban sopaja saamponna sampeyan aperrang sampe' ka aherra, sampeyan gi' paggun gaga' parjuga. 14 Sampeyan kodu asadhiya ros-terrosan. Agem kaestowanna sampeyan ka Jehovah menangka sabbu', ban kaberseyanna ate menangka kalambi besse.

Hizkiyel - Yehezkiel 13:6 Ton-pangatonanna bi-nabbi jareya palsu, ban mal-ramalanna lecek. Reng-oreng jareya ngako ngeba pessen dhari Sengko', mangkana Sengko' ta' tao ngotos reng-oreng jareya. Baramma se bisa'a reng-oreng jareya ngarep ramalanna kalakona?

Markus 13:22 Sabab bakal dhatengnga panyalamet-panyalamet se palsu ban bi-nabbi palsu. Reng-oreng jareya bakal ngalakonana kon-lalakon se lowar biyasa sarta kaajiban-kaajiban kaangguy co-ngóco oreng, la'-mala' mon ekenneng, ommat peleyanna Jehovah eco-kocowa keya.

Imamat - Lewi 26:37 Ba'na bakal buruwa ban saleng tabentor, maske tadha' oreng se nyerser. Ban ba'na ta' kera ngenneng alaban ka so-mosona.

1 Korintus 14:8 Conto laenna pole: Mon tarompet epamonye ban-saromban, pasera se asadhiya'a mangkada aperrang?

Ayyub 15:24 Balai akantha rato se parjuga, la asadhiya se nyargebba.

- 1 Kronika - 1 Babad 12:8** E bakto Daud badha e kennengngan se badha bintengnga e sagara beddhi, bannya' parjurit se kalonta ban apangalaman dhari suku Gad padha noro' salerana. Jareya rit-parjurit se ce' ahlina ngangguy tameng ban tombak; katon ngal-bangal akantha macan ban gulina kessel akantha manjangan.
- 1 Kronika - 1 Babad 12:33,38** Dhari suku Zebulon: saeket ebu oreng se penter ngangguy sanjata apa'a bai, ban la asadhiya se aperranga; reng-oreng jareya esto ban ekenneng parcaya. 38 Rit-parjurit jareya entar ka Hebron kabbi, la asadhiya se aperranga ban la nekat madaddiya Daud ratona Isra'il. Ban reng-oreng Isra'il laenna padha saroju' kabbi se kantha'a jareya.
- Lukas 10:19** Ba'na ebala'ana, ya! Bi' Sengko' ba'na la eberri'i kobasa sopaja ba'na bisa'a nedda' olar ban kalajengking sarta motel kakowadanna moso ta' kalaban badha apa'a bai se bisa macalaka' ba'na.
- 2 Korintus 7:10** Sabab kasossa'an se kadi gapaneka ngasellagi obana ate se madhateng kasalameddan. Ban oreng ta' kera kasta polana ganeka. Sabaligga, kasossa'an se coma sajalan sareng karebba manossa ngasellagi pate.
- 2 Timotiyus 2:25,26** Paalos mon ngajar reng-oreng se dujan alaban; sabab olle daddi oreng jareya bi' Jehovah eparenge kasempadan atobat ban laju kennal ka pangajaran se teppa'. 26 Kalaban cara se kantha jareya reng-oreng jareya tanto pas enga' pole, ban kalowar dhari jebbagga Iblis se ngobasae reng-oreng jareya ban se maksa sopaja noro' karebba.
- Nehemiya 4:15** So-mosona tang bangsa jareya ngedhing ja' rancanana la ekataowe bi' tang bangsa. Daddi reng-oreng jareya apangrasa ja' rancanana jareya la epabuddhu bi' Jehovah. Saellana jareya tang bangsa materros lalakonna se mateppa' geddhungnga kottha jareya.
- Caretana Para Rasul 5:38** Daddi samangken, kalaban badhana kadaddiyan paneka, pamanggi kaula sapaneka: diggal panneng saos reng-oreng paneka. Sabab manabi pangajaran sareng gerrakannepon reng-oreng gapaneka dhari manossa, pangajaran sareng gerrakannepon gapaneka tanto mosna.
- Jabur 73:24** Junandalem nonton abdidalem sareng babala'an, ban pagi' narema'a abdidalem kalaban kahormadan.
- Yakobus 1:5** Mon badha e antarana sampeyan se ta' bicaksana, nyo'on ka Jehovah, tanto oreng ganeka sareng Jehovah eparenge kabicaksana'an ganeka; sabab ka sadajana oreng, Jehovah apareng kalaban lamba' sareng bellas ase.